

Visoki predstavnik uputio čestitke Danisu Tanoviću

Visoki predstavnik, Wolfgang Petritsch, uputio je čestitke Danisu Tanoviću, čiji je film "*Ničija zemlja*" proglašen za "najbolji strani film" na 74. svečanosti dodjele Oskara koja je održana u nedjelju.

U poruci upućenoj gospodinu Tanoviću, Visoki predstavnik kaže da film "*Ničija zemlja* snažno odražava agoniju rata u Bosni i Hercegovini". Nagrada Oskar, navodi Visoki predstavnik, "potvrđuje da ovo autoritativno filmsko ostvarenje ima univerzalnu vrijednost".

Visoki predstavnik također konstatira da film "*Ničija zemlja* pokazuje šta se može postići kada se bh. umjetnici sa samopouzdanjem natječu na međunarodnoj sceni."

Premda je tragedija nedavne bh. prošlosti da se ovo djelo bavi nasiljem i razaranjem, Visoki predstavnik konstatira da *Ničija zemlja* kao film pokazuje sve kvalitete kreativnosti i umijeća. Izrazio je želju da "će se ova zemlja sve više i više prepoznavati po ovakvim kvalitetama, a da se neće povezivati s nasiljem."